

卫生宝鉴

一
函八册

衛生寶鑑卷十一

名方類集

元羅天益謙甫著

三原李錫齡孟熙校刊

咽喉口齒門

龍麝聚聖丹治心脾客熱毒氣攻衝咽喉赤腫疼痛或成
喉痺或結硬不消愈而復發經久不瘥或舌本腫脹滿
口生瘡飲食難嚥並皆服之

南硼砂

研

川芎

各一兩

生地黃

犀角屑

羚羊角

南琥珀

研

南玄參

桔梗

升麻

鉛白霜

研

連翹

各五錢

馬牙硝

赤茯苓

去皮

人參

腦子

研各三錢

硃砂

飛

牛黃

研各二錢

麝香

研三錢

右十八味爲末煉蜜丸每兩作十丸金箔五十片爲衣
每服一九用薄荷湯或新汲水化下若細嚼并噙化津
液嚥下皆可食後臨臥服

祛毒牛黃丸治大人小兒咽喉腫痛舌本強硬口内生瘡
涎潮喘急胸膈不利不欲飲食

人參

犀角

取末

南琥珀

研

桔梗

生地黃

沈水者佳

南礪砂

各半兩

牛黃

研三錢半

雄黃

飛一兩

南玄參

升麻 各三錢

蛤粉 四兩水飛

硃砂 研七錢

腦子

鉛白霜 各一錢

寒水石 燒去火毒二兩

右爲細末研勻煉蜜丸如小彈子大金箔爲衣磁器內收每服一九濃煎薄荷湯化下或新汲水化服亦得食後日進三服噙化亦得

硃砂膏治鎮心安神解熱又虛損嗽血等疾

金箔 二錢半

硃砂 研

眞珠末

生犀

人參

甘草 炙

玳瑁 各一兩

牛黃

麝香

龍腦

南硼砂

羚羊角

遠志

西琥珀

安息香

酒煮研

赤茯苓

去皮各半兩

蘇合油

和藥亦得

鐵粉

各一分

右爲末煉蜜破蘇合油和劑爲小錠子更以金箔爲衣

磁合內密封每服一皂角子大食後嚙化衛尉葉承得

效并阿膠丸相雜服此藥活血安神更勝如至寶丹每

兩作五錠子

碧玉散治心肺積熱上攻咽喉腫痛閉塞水漿不下或喉

痺重舌木舌腫脹可服

青黛

盆硝

蒲黃

甘草

各等分

右爲末和勻每用少許乾糝於咽喉內細細嚥津絲裏
嚥化亦得若作丸用砂糖和丸每兩作五十丸每服一
丸嚥化嚥津亦得

發聲散治咽痛不妨嚥物嚥物則微痛不宜用寒涼藥過
泄之此妨悶明熱也

括蕒

一箇

白僵蠶

半兩炒

桔梗

新白者七錢半炒

甘草

二錢炒

右爲末每用少許乾糝咽喉中若大腫痛左右有紅或
只一壁紅紫長大而水米不下用此藥一錢朴硝一錢
七和勻乾糝喉中嚥津如喉中生赤腫或有小白頭瘡

用此藥一錢匕白礬半錢細研如粉和勻乾糝之

玄參散治懸癰腫痛不可食

玄參

一兩

升麻

射干

大黃

各半兩

甘草

二錢半

右爲末每服三錢水一觥半煎至八分放溫時時含嚥

良驗

增損如聖湯治風熱上攻衝會厭語聲不出咽喉妨悶腫

痛並皆治之

桔梗

二兩

甘草

炙一兩半

防風

半兩

枳殼

湯浸去穰二錢半

右爲末每服三錢水一大觥煎至七分去粗入酥如棗許攪勻溫服食後

二奇湯治感寒語聲不出

桔梗

三兩蜜拌甑蒸

甘草

二兩半生半炒

訶子

大者四箇去核兩箇炮兩箇生

右爲末每服十錢匕入砂糖一小塊水五觥煎至三觥時時細呷一日服盡其聲速出

玉粉丸治冬月寒痰結咽喉不利語音不出鍼經云寒氣客於會厭卒然如瘕宜服玉粉丸

桂

一字

草烏

一字炒

半夏

洗五錢

右爲末生薑自然汁浸蒸餅爲丸雞頭大每服一九至

夜含化多年不愈者亦效

開關散治纏喉風氣息不通

白殭蠶

直者炒
去絲嘴

枯白礬

各等分

右二味爲末每服三錢生薑蜜水一錢調下細細服之
不拘時候

備急如聖散治時氣纏喉風漸入咽喉閉塞水穀不下牙
關緊急不省人事

雄黃

研生用

白礬

飛

藜蘆

厚者去皮
用仁生用

豬牙皂角

去皮弦
各等分

右四味爲末每用一豆大鼻內嚙之立見效

解毒雄黃丸治纏喉風及急喉痺

鬱金

雄黃

各一兩

巴豆

去皮膜研出油十四枚

右爲末醋糊爲丸蒙豆大用熱茶清下七丸吐出頑涎立便蘇省未吐再服

肺熱喉腥治驗

梁濟民因膏粱而飲因勞心過度肺氣有傷以致氣出腥臭唾涕稠粘口舌乾燥以加減瀉白散主之難經云心主五臭入肺爲腥臭此其一也

加減瀉白散

桑白皮

三錢

桔梗

二錢

地骨皮

甘草

炙各一錢半

知母

七分

麥門冬

黃芩

各五分

五味子

二十箇

右咬咀作一服水二觔煎至一觔去粗溫服食後忌酒
麵辛熱之物日進二服

論曰梁氏膏梁之子因洪飲大熱之氣所傷滋溢心火
形於肺金故以桑白皮地骨皮苦微寒降肺中伏火而
補氣用以爲君黃芩知母苦寒治氣息腥臭清利肺氣
用以爲臣肺欲收急食酸以收之五味子之酸溫以收
肺氣麥門冬甘苦寒治涕唾稠粘口舌乾燥用以爲佐
桔梗體輕辛溫治痰逆利咽膈爲使也

口糜論并治法方

逆調論云膀胱移熱於小腸膈腸不便一爲口糜心胃壅熱水穀不轉下傳小腸以導赤散去小腸熱五苓散瀉膀胱熱故以導赤散調五苓散主之

胡黃連散治口糜

麻孝卿傳

胡黃連

五分

細辛

宣黃連

各三錢

藿香

一錢

右四味爲末每用半錢乾糝口內漱干漱吐之

綠袍散治老幼口瘡多時不效者

黃檗

四兩

甘草

炙二兩

青黛

一兩

右先杵二味爲末入青黛同研勻每用半錢乾糝口內
忌醋醬鹽一二日

黃連升麻散治口舌生瘡

升麻

一兩半

黃連

七錢半

右爲末懸裏含嚥汁

多效散治脣緊疼及瘡

訶子肉

五倍子

各等分

右爲末用少許乾粘脣上立效

紅芍藥散歌

心病口瘡

紫桔紅薯

三錢四兩

五服安康

右用紫苑桔梗紅芍藥蒼朮等分爲末羊肝四兩批開
糝藥三錢麻扎定火內燒令香熟空心食之大效後用
白湯下

遺山牢牙散王漢卿所傳方云折太守得之於奔節使折
得之方九十餘歲牙齒都不曾疏豁及無疼痛漢卿今
八十九歲食肉能齒決之知此方如神也

茯苓

石膏

龍骨

各一兩

寒水石

白芷

各半兩

細辛

三錢

石燕子

大者一枚小者用一對

石七味爲末早辰用藥刷牙晚亦如之

玉池散治風蛀牙疼腫痛

當歸

藁本

地骨皮

防風

白芷

槐花

川芎

甘草

升麻

細辛

各等分

右爲末每用少許揩牙痛甚卽取二錢水一觔半黑豆半合生薑三片煎至一觔稍溫漱口候冷吐之救苦散治一切牙疼及塞風艸牙疼

川烏

草烏

桂花

良薑

紅豆

胡椒

華撥

細辛 各半錢

石膏

官桂

各三錢

右爲末先漱淨裏外乾糝之出涎立愈

華撥散治風虫牙疼兼治偏正頭疼

華撥

二錢

良薑

各一錢

草烏

去皮尖五分

右爲末每用半字先含水一口應痛處鼻內嚙上吐了

水用指粘藥擦牙疼處立定

麝香散治牙疼

麻孝卿傳

銅綠

五錢

白芨

二錢半

白蘞

三錢半

白礬二錢半

麝香一錢

右爲末用麝香研細入藥和勻每用少許貼於牙患處
乳香丸治走馬牙疳如神

明乳香

輕粉各半錢

砒半分研

麝香少許

右先將乳香在鉢內令一人執鉢水盆內浸鉢底一人
研乳香如粉細取出入輕粉麝香砒再研細和勻每用
以薄紙一韭葉闊去藥內按過搥紙少許丸如黃豆大
夜臥先漱口齒淨後以細杖子粘藥丸割牙疳處至明
便效忌醬醋鹽

衛生寶鑑卷十一終